

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0061410 25
Zenica, 29.12.2025. godine**

**OPĆINSKI SUD U ŽEPČU
-Sudiji za prethodno saslušanje-**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku FBiH (ZKP FBiH), podižem

OPTUŽNICU

Protiv osumnjičenih:

K. M., ..., ne vodi se drugi krivični postupak,

N. M., ..., neosuđivan, ne vodi se drugi krivični postupak, i

I. K., ..., osuđivan, ne vodi se drugi krivični postupak, i

Zbog postojanja osnovane sumnje da su zajedno:

Dana 12.11.2024. godine oko 19.00 sati ispred trgovačke radnje „...“ pored lokalnog puta koji vodi u mjesto ...u mjestu ..., općina Žepče, došli pred navedenu trgovačku radnju sa ciljem da sačekaju O. F. koji se nalazio u trgovačkoj radnji „...“ i sa istim se fizički obračunaju, da bi po izlasku O. F. iz navedene trgovačke radnje i dolaska do njegovog putničkog motornog vozila marke „...“ tip „...“ registarskih oznaka ..., koji se nalazio u neposrednoj blizini navedene trgovačke radnje, neko od osumnjičenih, koji su bili okrenuti leđima, povukao za rame O. F. koji je u tom momentu primjetio od ranije poznate K. M., N. M. i I. K. da bi nakon toga O. F. zadobio udarac tvrdim nepoznatim predmetom u predjelu desnog oka kojeg udaraca je pao na tlo, nakon čega su K. M., N. M. i I. K. zadali još nekoliko udaraca u predjelu glave i tijela O. F., svjesni da na taj način nasiljem prema O. F., izazivanjem tuče i naročito drskim ponašanje ugrožavaju građanski mir O. F. i ostalih prisutnih lica u blizini kao i da O. F. nanose tjelesne povrede, što su i htjeli, usljed čega je O. F. zadobio tešku tjelesnu povredu koja se u sveukupnosti ogleda u nagnječno-razderotinskoj rani čela i gornjeg očnog kapka, krvnom podlivu oko desnog oka i nosa, prelomu nosnih kostiju bez dislokacije, prelomu očne orbite desno bez dislokacije i prelomu gornjeviličnog sinusa sa desne strane bez dislokacije, nakon čega je O. F. pritekao u pomoć S. M. vlasnik trgovačke radnje „...“ te O. F. medicinski zbrinut u Službu hitne medicinske pomoći Javne ustanove „Dom zdravlja sa stacionorom“ u Žepču i kasnije u Kantonalnu bolnicu u Zenici

Dakle, nasiljem prema drugom, izazivanjem tuče i naročito drskim ponašanjem ugorzili građanski mir i drugog teško tjelesno ozljedili

Čime bi radnjama opisanim u činjeničnom opisu naredbe o provođenju istrage u svojstvu saučesnika počinili krivično djelo nasilničko ponašanje iz člana 362. stav 1. Krivičnog zakona FBiH u sticaju sa krivičnim djelom teška tjelesna ozljeda iz člana 172. stav 1. Krivičnog zakona FBiH, u vezi sa članovima 31. i 54. Krivičnog zakona FBiH